



გორის მუნიციპალიტეტის

საკრებულო

განკარგულება № 132

2023 წლის 14 ივლისი
ქ.გორი

გორის მუნიციპალიტეტის მერიის სივრცითი მოწყობისა და ინფრასტრუქტურის სამსახურის სივრცითი მოწყობისა და არქიტექტურის განყოფილების 2022 წლის ივლისიდან მიმდინარე პერიოდამდე გაწეული საქმიანობის ანგარიშის შეფასების შესახებ

გორის მუნიციპალიტეტის საკრებულო, მის მიერ მიღებულ გადაწყვეტილებათა შესრულებაზე, მერიის საქმიანობაზე, თვითმმართველი ერთეულის ქონების მართვასა და თვითმმართველი ერთეულის ბიუჯეტის შესრულებაზე ახორციელებს კონტროლს. აღნიშნული კონტროლის განხორციელების ერთ-ერთ ფორმას წარმოადგენს ანგარიშის მოსმენა, რომელიც გაწერილია საკრებულოს სამუშაო გეგმებში. საკრებულოს სამუშაო გეგმის შესაბამისად საჭიროა მოსმენილ იქნას და შეფასდეს გორის მუნიციპალიტეტის მერიის სივრცითი მოწყობისა და ინფრასტრუქტურის სამსახურის სივრცითი მოწყობისა და არქიტექტურის განყოფილების 2022 წლის ივლისიდან მიმდინარე პერიოდამდე გაწეული საქმიანობის ანგარიში.

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის 1-ლი პუნქტის „გ.ა“ ქვეპუნქტის და 61-ე მუხლის 1-ლი და მე-2 პუნქტების შესაბამისად:

1. დადებითად შეფასდეს გორის მუნიციპალიტეტის მერიის სივრცითი მოწყობისა და ინფრასტრუქტურის სამსახურის სივრცითი მოწყობისა და არქიტექტურის განყოფილების 2022 წლის ივლისიდან მიმდინარე პერიოდამდე გაწეული საქმიანობის ანგარიში (დანართი თან ერთვის 2 ფურცლად).

2. განკარგულება ძალაში შევიდეს ხელმოწერისთანავე.

3. განკარგულების გასაჩივრება შესაძლებელია დაინტერესებული პირის მიერ მისი გაცნობის დღიდან ერთი თვის განმავლობაში სარჩელის წარდგენის გზით გორის რაიონულ სასამართლოში (მისამართი ქ. გორი, სერგო ჯორბენაძის ქ. №30).

საკრებულოს თავმჯდომარე



დავით რაზმაძე



გორის მუნიციპალიტეტის მერია



წერილის ნომერი: **20-202317386**
თარიღი: **22/06/2023**

ადრესატი: გორის მუნიციპალიტეტის საკრებულო

გორის მუნიციპალიტეტის მერიის სივრცითი მოწყობისა და ინფრასტრუქტურის სამსახურის, სივრცითი მოწყობისა და არქიტექტურის განყოფილება განიხილავს, მერიის საქმისწარმოების განყოფილებაში შემოსულ მოქალაქეთა განცხადებებს და კორესპონდენციებს, დაკავშირებულს მშენებლობის ნებართვებთან, მიწის ნაკვეთების დაყოფა/გაერთიანებებთან, მრავალბინიანი კორპუსების საზღვრების დადგენასთან, ლეგალიზებასთან და სხვა საკითხებთან დაკავშირებით. საქართველოს კანონის „საქართველოს სივრცის დაგეგმარების, არქიტექტურული და სამშენებლო საქმიანობის კოდექსის“ და “მშენებლობის ნებართვის გაცემისა და შენობა-ნაგებობის ექსპლუატაციაში მიღების წესისა და პირობების შესახებ” საქართველოს მთავრობის 2019 წლის 31 მაისის N255 დადგენილების შესაბამისად სივრცითი მოწყობისა და არქიტექტურის განყოფილება გამოსცემს ინდივიდუალურ ადმინისტრაციულ სამართლებრივ აქტებს.

2022 წლის ივლისიდან 2023 წლის ივნისამდე გაიცა 217 მშენებლობის ნებართვა (მათ შორის: ინდივიდუალური და მრავალბინიანი საცხოვრებელი სახლების, მუყაოს გადამამუშავებელი, თევზის გადამამუშავებელი, ხილის გადამამუშავებელი, მეტალო-პლასმასის, რკინის გადამამუშავებელი, ცხოველთა კომბინირებული საკვების საწარმო, ასევე სპორტულ გამაჯანსაღებელი კომპლექსი, სასოფლო სამეურნეო პროდუქტების შესანახი სამაცივრე საწარმოები). ასევე მარტივი შეწყობებით შეთანხმებულია 87 პირველი კლასის შენობა-ნაგებობისთვის 60 კმ.მ-მდე ფართის მშენებლობის საპროექტო დოკუმენტაცია, 29-ფასადის ცვლილების და 40 სარეკლამო აბრის შეთანხმების ინდივიდუალურ ადმინისტრაციულ სამართლებრივი აქტები.

გარდა შენობა-ნაგებობის მშენებლობისა, სივრცითი მოწყობისა და არქიტექტურის განყოფილების მიერ დამუშავებული დოკუმენტაციის საფუძველზე 317 ახალი აბონენტი გახდა ელექტროენერჯის მომხმარებელი. 30 აბონენტი ოპტიკურ ბოჭკოვანი სატელეკომუნიკაციო და ინტერნეტ მომხმარებელი. განხორციელდა რიგი სოფლების გაზომომარაგების, -გაზსადენის რეაბილიტაცია, რაზედაც გაცემულ იქნა გორის მუნიციპალიტეტის მერიის მიერ 22 შეთანხმების აქტი.

გორში და გორის მიმდებარე ადმინისტრაციულ ერთეულებში ფუნქციონირება დაიწყო 34-მა კარიერმა, სადაც ხდება სასარგებლო წიაღისეულის, ქვიშა-ხრემის მოპოვება, რომელიც გამოიყენება შენობების, გზების და ინფრასტრუქტურული მშენებლობებისთვის. გარდა ამ მიზნისა ხდება ეგრეთწოდებული მდინარის „გაჯანსაღება“, იზრდება მდინარის კალაპოტის წყალგამტარობა.

საქართველოს მთავრობის 2020 წლის 9 მარტის N153 დადგენილების საფუძველზე გორის მუნიციპალიტეტის ტერიტორიაზე გაიცა 53 ლეგალიზების ბრძანება, რამაც ხელი შეუწყო გორის მუნიციპალიტეტში 2007 წლამდე არსებული შენობა-ნაგებობების საჯარო რეესტრის ეროვნულ სააგენტოში რეგისტრაციას.

2022 წლის ივლისიდან 2023 წლის ივნისამდე 24-მა მრავალბინიანი საცხოვრებელი სახლის ბინათმესაკუთრეთა ამხანაგობამ წარმოადგინა ტექ.დოკუმენტაცია მიწის ნაკვეთის საზღვრების დადგენასთან დაკავშირებით, რაც საფუძველი გახდა ეზოების კეთილმოწყობის თანადაფინანსების პროექტში მონაწილეობისა.

ასევე გაცემულია კერძო საკუთრებაში არსებული მიწის ნაკვეთების დაყოფა -გაერთიანების 433 შეთანხმების აქტი.

43 საპროექტო ობიექტს, რომელთა მშენებლობაც ვერ განხორციელდა სანებართვო პირობებით განსაზღვრულ ვადაში გაუგრძელდათ მშენებლობის ვადა.

განყოფილება აქტიურად არის ჩართული ინფრასტრუქტურული პროექტების მიმოხილვა/განხორციელებაში.

სივრცითი მოწყობისა და არქიტექტურის განყოფილების მიერ შესრულებული სამუშაოების შედეგად სახელმწიფო ხაზინაში მშენებლობის ნებართვის მოსაკრებლის სახით შესულია 312 594 ლარი.

პატივისცემით,

ვლადიმერ ხინჩგაშვილი

გორის მუნიციპალიტეტის მერია-მერი

გამოყენებულია კვალიფიციური
ელექტრონული ხელმოწერა/
ელექტრონული შტამპი

